

judicaturus. Non enim Deus occultus, sicut prius, et in hominum judicio non aperiens os suum; sed « Deus magnificus veniet, Deus noster, et non silebit<sup>1</sup>. » Quid desperatis, infideles? quid irridetis? Quid dicit servus manus: « Tardat Dominus meus venire<sup>2</sup>? Ecce dabit vocem suam, vocem virtutis. »

**XLI**III. « Date gloriam Deo, super Israël magnificentia ejus<sup>3</sup>. » De quo dicit Apostolus: « Super Israël Dei<sup>4</sup>. » Non enim omnes qui ex Israël, hi sunt Israëlitæ<sup>5</sup>; » quoniam est et Israël secundum carnem. Unde ait: « Videlicet Israël secundum carnem<sup>6</sup>. Non autem qui filii carnis, hi filii Dei; sed filii promissionis deputantur in semine<sup>7</sup>. » Tunc ergo quando erit sine ulla malorum commixtione populus ejus, tanquam massa ventilabro emundata<sup>8</sup>, tanquam Israël in quo dolus non est<sup>9</sup>, tunc eminentissima erit « Super Israël magnificentia ejus: et virtus ejus in nubibus. » Non enim solus veniet ad iudicium, sed, « Cum senioribus populi sui<sup>10</sup>: » quibus promisit quod sedebunt supersedes iudicaturi<sup>11</sup>, qui etiam Angelos judicabunt<sup>12</sup>. Hæ sunt nubes.

**XLIV**. Denique ne aliud nubes intelligerentur, secutus adjunxit: « Mirabilis Deus in sanctis suis, Deus Israël<sup>13</sup>. » Tunc enim et nomen ipsum verissime ac plenissime implebitur Israël, quod est Videns Deum: « Quoniam videbimus eum sicuti est<sup>14</sup>. Ipse dabit virtutem et fortitudinem plebi suæ, benedictus Deus: » nunc fragili et infirmæ. « Habemus enim thesaurum istum in vasis fictilibus<sup>15</sup>. » Tunc vero etiam corporum glorioissima commutatione: « Ipse dabit virtutem et fortitudinem plebi

<sup>1</sup> Psal. XLIX, 3. — <sup>2</sup> Luc. XII, 45. — <sup>3</sup> Psal. LXVI, 35. — <sup>4</sup> Gal. VI, 16. — <sup>5</sup> Rom. IX, 6. — <sup>6</sup> 1 Cor. X, 18. — <sup>7</sup> Rom. IX, 8. — <sup>8</sup> Matth. III, 12. — <sup>9</sup> Joan. I, 47. — <sup>10</sup> Isa. III, 14. — <sup>11</sup> Matth. XIX, 28. — <sup>12</sup> 1 Cor. VI, 3. — <sup>13</sup> Psal. LXVII, 36. — <sup>14</sup> 1 Joan. III, 2. — <sup>15</sup> 2 Cor. IV, 7.

### ENARRATIO I IN PSALMUM LXVIII, SERMO I. 307

» suæ. Seminatur enim hoc corpus in infirmitate, surget in virtute<sup>1</sup>. » Ipse ergo dabit virtutem, quam in sua carne præmisit, de qua dicit Apostolus: « Virtutem resurrectionis ejus<sup>2</sup>. Fortitudinem autem, qua inimica destruetur mors<sup>3</sup>. » Quoniam itaque prolixum, et ad intelligendum difficulter Psalmum tandem aliquando, ipso adjuvante, finivimus: « Benedictus Deus. » Amen.

### ENARRATIO I

#### IN PSALMUM LXVIII.

##### SERMO I.

De prima parte Psalmi.

I. Eo tempore in hoc sæculo exorti sumus et aggregati populo Dei, quo jam olus illud ex grano sinapis tetendit brachia sua; quo jam fermentum illud, quod primo contemptibile fuit, fermentavit tres mensuras<sup>4</sup>, id est, totum orbem terrarum reparatum ex tribus filiis Noë<sup>5</sup>: quoniam ab Oriente et Occidente, et Aquilone et Austro veniunt, qui recumbent cum Patriarchis, expulsis foras eis, qui de illorum carne sunt nati, et eorum fidem non sunt imitati<sup>6</sup>. Ad hanc ergo Christi Ecclesiæ gloriam oculos aperuimus; et illam sterilem, cui gaudium indictum atque prædictum est, quod plures filios habitura esset, quam

<sup>1</sup> 1 Cor. XV, 43. — <sup>2</sup> Philip. III, 10. — <sup>3</sup> 1 Cor. XV, 26. — <sup>4</sup> Matth. XIII, 31-33, et Luc. XIII, 19-21. — <sup>5</sup> Gen. IX, 19. — <sup>6</sup> Matth. VIII, 11.

illa quæ habebat virum<sup>1</sup>, jam talem invenimus quæ oblita esset opprobriorum et ignominiae viduitatis suæ : et ideo possumus forte mirari cum voces humilitatis Christi, vel nostræ, legerimus in aliqua prophetia. Et fieri potest, ut minus ex eis afficiamur ; quia non eo tempore venimus, quando ista cum sapore legebantur abundante pressura. Sed rursus si tribulationum abundantiam cogitemus, et in qua ambulemus via cognoscamus, si tamen in illa ambulamus, quam sit angusta<sup>2</sup>, et per pressuras atque tribulationes perducat ad requiem sempiternam ; quamque ipsa quæ in rebus humanis vocatur felicitas, plus sit timenda quam miseria ; quandoquidem miseria plerumque affert ex tribulatione fructum bonum, felicitas autem corrumpt animam perversa securitate, et dat locum diabolo tentatori ; cum ergo cogitaverimus prudenter et recte, sicut salita victima, tentationem esse vitam humanam super terram<sup>3</sup>, neminemque omnino esse securum, nec debere esse securum, donec ad illam patriam veniatur, unde nemo exit amicus, quo nemo admittitur inimicus, etiam nunc in ipsa Ecclesiæ gloria agnoscimus voces tribulationis nostræ : et tanquam membra Christi, compage charitatis subdita capiti nostro, et nos invicem retinentia, dicemus de Psalmis, quod hic dixisse invenerimus Martyres, qui fuerunt ante nos ; quia tribulatio communis est omnibus, ab initio usque in finem. Tamen istum Psalmum quem tractandum suscepimus, et de quo loqui Charitati Vestræ in nomine Domini proposuimus, in grano sinapis agnoscamus<sup>4</sup> : paululum ab altitudine oleris et diffusione ramorum, et ab illa gloria, ubi aves coeli requiescent, avocemus cogitationem : et hæc magnitudo quæ nos delectat in olere, quam de parvo surrexerit audiamus. Christus

<sup>1</sup> Isaï. LIV, 1, et Gal. IV, 47. — <sup>2</sup> Matth. VII, 14. — <sup>3</sup> Job. VII, 1. — <sup>4</sup> Matth. XIII, 31.

enim hic loquitur : sed jam scientibus dicimus : Christus non solum caput, sed et corpus. Ex ipsis verbis agnoscimus. Nam quia Christus hic loquitur, dubitare omnino non permittimur. Hic sunt enim expressa verba, quæ in ejus passione completa sunt : « Dederunt in escam meam » fel, et in siti mea potaverunt me aceto<sup>1</sup> : » quando ista et ad litteram impleta sunt, et prorsus quomodo prædicta, sic reddita. Cumque ipse Christus dixisset : « Sitio, » pendens in cruce, et ad hoc verbum ei acetum in sponsa datum esset, quo accepto dixit : « Consummatum est, et » sic inclinato capite, tradidit spiritum<sup>2</sup>, » ostendens ista omnia quæ prædicta sunt in illo fuisse tunc consummata, non licet hic aliud intelligere. Apostoli etiam loquentes de Christo, testimonia ex isto Psalmo dederunt. Quis autem deviet a sententiis eorum ? aut quis agnus non sequatur arietes ? Ergo Christus hic loquitur : magisque nobis demonstrandum est, ubi ejus membra loquantur, ut ostendamus quia totus hic loquitur, quam dubitandum quod Christus loquatur.

II. Titulus Psalmi est : « In finem, pro his qui commutabuntur, ipsi David<sup>3</sup>. » Nunc commutationem in melius audi : commutatio enim, vel in deterius est, vel in melius. Adam et Eva in deterius; qui ex Adam et Eva Christo adhæserunt, in melius commutati sunt. « Sicut enim per unum hominem mors, ita et per unum hominem resurrectio mortuorum : et sicut in Adam omnes moriuntur, sic et in Christo omnes vivificabuntur<sup>4</sup>. » Ab eo quod formavit Deus, mutatus est Adam ; sed in pejus iniquitatis suæ : ab eo quod operata est iniquitas, mutantur fideles, sed in melius per gratiam Dei. Ut mutaremur in pejus, nostra iniquitas fuit : ut mutaremur in melius, non nostra justitia, sed gratia

<sup>1</sup> Psal. LXVIII, 22. — <sup>2</sup> Joan. XIX, 28. — <sup>3</sup> Psal. LXVIII, 1. — <sup>4</sup> 1 Cor. XV, 21, 22.

Dei præstat. Quod ergo in péjus mutati sumus, nobis imputemus: quod in melius commutamur, Deum laudemus. « Pro his ergo iste Psalmus, qui commutabuntur. » Unde autem ista commutatio facta est, nisi ex passione Christi? Pascha ipsum latine Transitus interpretatur. Non est enim Pascha græcum nomen, sed hebræum. Resonat quidem in græca lingua passionem, quia πασχέιν Pati dicitur: sed consultum hebræum eloquium, aliud indicat. Pascha transitum commendat. Quod admomuit etiam Joannes evangelista, qui imminente passione, cum veniret Dominus ad cœnam, qua commendavit sacramentum corporis et sanguinis sui, ita loquitur: « Cum autem venisset hora, qua transiret Jesus de hoc mundo ad Patrem<sup>1</sup>. » Expressit ergo transitum Paschæ. Sed nisi ipse transiret hinc ad Patrem, qui propter nos venit, nos transire hinc quomodo possemus, qui non propter aliquid levandum descendimus, sed cecidimus? Ipse autem non cecidit; sed descendit, ut eum qui ceciderat sublevaret. Transitus ergo, et illius, et noster, hinc ad Patrem; de hoc mundo ad regnum cœlorum, de vita mortali ad vitam æternam, de vita terrena ad vitam cœlestem, de vita corruptibili ad incorruptibilem, de tribulationum conversatione ad perpetuam securitatem. Ideo, « Pro his qui commutabuntur, » Psalmi titulus est. Causam igitur commutationis nostræ, id est, ipsam Domini passionem, nostramque in tribulationibus vocem in textu Psalmi advertamus, cognoscamus, congregiscamus; et audiendo, cognoscendo; congregiscendo mutemur, ut impleatur in nobis titulus Psalmi: « Pro his qui commutabuntur. »

III. « Salvum me fac, Deus, quoniam introierunt aquæ usque ad animam meam<sup>2</sup>. » Granum illud est contemptum modo, quod videtur humiles dare voces. In horto

<sup>1</sup> Joan. xiii, 1. — <sup>2</sup> Psal. LXVIII, 2.

obruitur, miraturo mundo oleris magnitudinem, cuius oleris semen contemptum est a Judæis. Revera enim considerate semen sinapis minutum, fuscum, aspernabile prorsus, ut ibi impleatur quod dictum est: « Vidimus eum, et non habebat speciem neque decorem<sup>1</sup>. » Aquas autem intrasse usque ad animam suam dicit: quia potuerunt illæ turbæ, quas aquarum nomine significavit, hic usque prævalere, ut occiderent Christum. Præevaluerunt ad contemnendum, ad tenendum, ad ligandum, ad insultandum, ad colaphizandum, ad conspuendum. Adhuc quousque? Usque ad mortem. Ergo « Introierunt aquæ usque ad animam meam. » Hanc quippe vitam dixit animam suam, quousque illi accedere sæviendo potuerunt. Sed numquid hoc possent, nisi ab ipso permitterentur? Unde ergo tanquam aliquid invitus patiatur sic clamat, nisi quia caput membra sua præfigurat? Passus est quippe ille, quia voluit; Martyres vero, etiamsi noluerunt. Petro namque ita prædictis passionem suam: « Cum senueris, inquit, alias te præcinge, et feret quo tu non vis<sup>2</sup>. » Quanquam enim Christo inhærere cupiamus, mori tamen nolumus; et ideo libenter, vel potius patienter patimur, quia alius transitus non datur, per quem Christo cohæreamus. Nam si possemus aliter pervenire ad Christum, id est, ad vitam æternam, quis vellet mori? Naturam quippen nostram, id est, consortium quoddam animæ et corporis, et quamdam in his duobus familiaritatem conglutinationis atque compaginis exponens quodam loco Apostolus, ait habere nos domum non manufactam, æternam in cœlis: id est, immortalitatem præparatam nobis, qua induendi sumus in fine, cum resurrexerimus a mortuis; et ait: « In quo nolumus spoliari, sed super vestiri, ut absorbeatur mortale a vita<sup>3</sup>. » Si fieri posset,

<sup>1</sup> Isaï. LIII, 2. — <sup>2</sup> Joan. xxi, 18. — <sup>3</sup> 2 Cor. v, 1 et 4.

sic vellemus, ait, fieri immortales, ut jam veniret ipsa immortalitas, et modo sicut sumus mutaret nos, ut mortale hoc nostrum a vita absorberetur, non per mortem corpus poneretur, ut in fine iterum reciperetur. Quamvis ergo a malis ad bona transeamus, tamen ipse transitus aliquantum amarus est; et habet fel, quod dederunt Domino in passione Judæi, habet acre quiddam tolerandum, quo ostenduntur qui eum aceto potaverunt<sup>1</sup>. Præfigurans ergo et transformans in se nos ipsos, hoc ait: « Salvum » me fac, Deus, quoniam introierunt aquæ usque ad ani- » mam meam. » Potuerunt qui persecuti sunt etiam occidere, sed amplius quid faciant non habebunt. Præmisit enim exhortationem ipse Dominus dicens: « Nolite timere » eos qui corpus occidunt, et amplius non habent quid » faciant; sed eum timete qui habet potestatem et corpus » et animam occidere in gehenna ignis<sup>2</sup>. » Majore timore minora contemnimus, et majore æternitatis cupiditate omnia temporalia fastidimus. Nam hic et deliciæ temporales dulces sunt, et tribulationes temporales amaræ sunt: sed quis non bibat tribulationis temporalis poculum, metuens ignem gehennarum; et quis non contemnat dulcedinem sæculi, inhians dulcedini vitæ æternæ? Hinc ergo ut liberemur, clamemus: ne forte in pressuris consentiamus iniquitati, et vere irreparabiliter sorbeamur: « Salvum » me fac, Deus, quoniam introierunt aquæ usque ad ani- » mam meam. »

IV. « Infixus sum in limo profundi, et non est substantia<sup>3</sup>. » Quid dicit limum? an ipsos qui persecuti sunt? De limo enim factus est homo<sup>4</sup>. Sed isti, cadendo a justitia, limus profundi facti sunt; quibus consequentibus et ad iniquitatem trahere cupientibus quisquis non consenserit, de limo suo aurum facit. Merebitur enim limus

<sup>1</sup> Matth. xxvii, 34. — <sup>2</sup> Id. x, 28. — <sup>3</sup> Psal. lxviii, 3. — <sup>4</sup> Gen. ii, 7.

ipsius converti in habitudinem coelestem, et socius fieri eorum, de quibus dicit titulus Psalmi: « Pro his qui » commutabuntur. » Isti autem cum limus profundi essent, hæsi in illis, id est, tenuerunt me, præevaluerunt mihi, occiderunt me. « Infixus ergo sum in limo pro- » fundi, et non est substantia. » Quid est hoc, « Non » est substantia? Numquidnam ipse limus non est substantia? An, ego inhaerendo factus sum non esse substantia? Quid est ergo, « Infixus sum? » Numquidnam sic hæsit Christus? Aut vero hæsit, ac non, sicut dictum est in libro Job: « Terra tradita est in manus impii<sup>1</sup>? » An secundum corpus infixus est, quia teneri potuit, et ipsam crucifixionem habebat? Nisi enim clavis fixus esset, crucifixus non esset. Unde ergo « Non est substantia? » An limus ille non est substantia? Intelligemus ergo, si potuerimus, quid sit, « Et non est substantia, » si prius intellexerimus quid sit substantia. Substantia quippe dicitur et divitiarum: secundum quam dicimus: Habet substantiam, et, Perdidit substantiam. Sed numquid hoc putabimus hic dictum esse: « Et non est substantia, » id est, non sunt divitiae, quasi modo aliquid de divitiis ageretur, aut aliqua quæstio de divitiis haberetur? An forte quia ille ipse limus paupertas erat, et divitiae non erunt, nisi quando æternitatis participes effecti fuerimus? Tunc sunt enim veræ divitiae, quando nobis nihil deerit. Potest etiam secundum hujus verbi intellectum accipi sensus iste, ut diceretur: « Infixus sum in limo profundi, et non est » substantia, » id est, ad paupertatem perveni. Nam hic dicit: « Pauper et dolens ego sum<sup>2</sup>. » Dicit et Apostolus: « Quoniam propter vos pauper factus est cum dives esset, » ut illius paupertate vos ditaremini<sup>3</sup>. » Ergo paupertatem suam volens Dominus nobis commendare, fortasse

<sup>1</sup> Job. ix, 24. — <sup>2</sup> Psal. lxviii, 30. — <sup>3</sup> 2 Cor. viii, 9.

dixerit : « Non est substantia. » Ad summam enim paupertatem pervenit , quando formam servi induit. Divitiae ejus quae sunt ? « Qui cum in forma Dei esset, non rapi- » nam arbitratus est esse æqualis Deo. » Hæ magnæ incomparabilesque divitiae. Unde ergo ista paupertas ? « Quia » semetipsum exinanivit formam servi accipiens , in simi- » litudinem hominum factus, et habitu inventus ut homo, » humiliavit se, factus obediens usque ad mortem : ut » diceret : Introierunt aquæ usque ad animam meam. » Adde super mortem : quid amplius additurus es? Ignominiam mortis. Ideo sequitur : « Mortem autem crucis<sup>1</sup>. » Magna paupertas ! Sed hinc erunt magnæ divitiae : quia sicut impleta est paupertas ejus , ita implebuntur et divitiae nostræ de paupertate ipsius. Quantas divitias habet , ut de sua paupertate nos divites faceret ! Quales nos facturus est de divitiis suis , quos divites fecit de paupertate sua !

V. « Infixus sum in limo profundi, et non est substanc- » tia. » Intelligitur alio modo substantia , illud quod sumus quidquid sumus. Sed hoc ad intelligendum aliquanto est difficilior, quamquam res usitatæ sint : sed quia inusitatum verbum est , indiget commendationis et expositionis aliquantulæ : cui tamen si intenti fueritis , fortassis in ea non laborabimus. Dicitur homo, dicitur pecus , dicitur terra , dicitur cœlum , dicitur sol , luna , lapis , mare, aëris; omnia ista substantiæ sunt, eo ipso quo sunt. Naturæ ipsæ, substantiæ dicuntur. Deus est quedam substantia : nam quod nulla substantia est, nihil omnino est. Substantia ergo aliquid esse est. Unde etiam in Fide catholica, contra venena quorumdam hæreticorum sic ædificamur, ut dicamus Patrem, et Filium, et Spiritum sanctum unius esse substantiæ. Quid est, unius substantiæ? Verbi

<sup>1</sup> Philip. ii, 6-8.

gratia : si aurum est Pater, aurum et Filius, aurum et Spiritus sanctus. Quidquid est Pater quod Deus est, hoc Filius , hoc Spiritus sanctus. Cum autem Pater est, non illud est quod est. Pater enim non ad se, sed ad Filium dicitur : ad se autem Deus dicitur. Itaque eo quod Deus est, hoc ipso substantia est. Et quia ejusdem substantiæ Filius, procul dubio et Filius Deus. At vero quod Pater est, quia non substantiæ nomen est, sed refertur ad Filium , non sic dicimus Filium Patrem esse, quomodo dicimus Filium Deum esse. Quæreris quid sit Pater : respondetur : Deus. Quæreris quid sit Filius : respondetur : Deus. Quæreris quid sit Pater et Filius : respondetur : Deus. De solo Patre interrogatus , Deum responde : de solo Filio interrogatus , Deum responde : de utroque interrogatus , non deos , sed Deum responde. Non sicut in hominibus. Quæreris quid sit pater Abraham ; respondetur : Homo ; substantia ejus respondetur. Quæreris quid sit filius ejus Isaac ; respondetur : Homo ; ejusdem substantiæ Abraham et Isaac. Quæreris quid sit Abraham et Isaac ; non respondetur : Homo , sed , Homines. Non sic in divinis. Tanta enim ibi est substantiæ societas, ut aequalitatem admittat, pluralitatem non admittat. Si ergo tibi dictum fuerit : Cum dicis mihi Filium hoc esse quod Pater est, profecto et Filius Pater est : responde : Secundum substantiam tibi dixi hoc esse Filium quod Pater est, non secundum id quod ad aliud dicitur. Ad se enim Deus dicitur, ad Patrem Filius dicitur. Rursusque Pater ad se Deus dicitur, ad Filium Pater dicitur. Quod dicitur ad Filium Pater, non est Filius : quod dicitur Filius ad Patrem , non est Pater : quod dicitur ad se Pater, et Filius ad se, hoc est Pater et Filius , id est, Deus. Quid est ergo, « Non est » substantia? » Secundum hunc intellectum substantiæ , quomodo poterimus intelligere istam Psalmi sententiam :

« Infixus sum in limo profundi, et non est substantia? » Deus fecit hominem, substantiam fecit<sup>1</sup>: atque utinam maneret in eo quod Deus fecit! Si maneret homo in eo quod Deus fecit, non in illo infixus esset quem Deus genuit. Porro autem quia per iniquitatem homo lapsus est a substantia in qua factus est<sup>2</sup>, iniquitas quippe ipsa non est substantia; non enim iniquitas est natura quam formavit Deus; sed iniquitas est perversitas quam fecit homo: venit Filius Dei ad limum profundi, et infixus est; et non erat substantia in qua infixus est, quia in iniquitate illorum infixus est. « Infixus sum in limo profundi, et non est substantia. » Omnia per ipsum facta sunt, et sine ipso factum est » nihil<sup>3</sup>. » Naturae omnes per ipsum factae sunt; iniquitas per ipsum facta non est, quia iniquitas facta non est. Substantiae illae per eum factae sunt, quae laudant eum. Universa creatura laudans Deum, a tribus pueris in camino commemoratur; et a terrenis ad cœlestia, vel a coelestibus ad terrena hymnus laudantium Deum pervenit<sup>4</sup>. Non quo cuncta ista habeant sensum laudandi; sed quia cuncta bene cogitata laudem pariunt, et impletur cor consideratione creaturæ ad eructandum hymnum Creatori. Laudant omnia Deum, sed quae fecit Deus. Numquid in illo hymno advertitis quod avaritia laudet Deum? Laudat ibi Deum et serpens; avaritia non laudat. Omnia quippe repentina nominata ibi sunt in laude Dei: nominata sunt omnia repentina; sed non sunt ibi nominata aliqua vitia. Vitia enim ex nobis et ex nostra voluntate habemus: et vitia non sunt substantia. In his infixus est Dominus, quando persecutionem passus est: in vitio Judæorum, non in substantia hominum, quae per illum facta est. « Infixus sum, » inquit, in limo profundi, et non est substantia. » Infixus sum, et non inveni quod feci.

<sup>1</sup> Gen. i, 27. — <sup>2</sup> Id. iii, 6. — <sup>3</sup> Joan. i, 3. — <sup>4</sup> Dan. iii, 24-90.

VI. « Veni in altitudinem maris et tempestas demersit me<sup>1</sup>. » Gratias ipsius misericordiae qui venit in altitudinem maris, et glutiri a marino ceto dignatus est; sed evomitus est tertio die<sup>2</sup>. Venit in altitudinem maris, in qua altitudine nos depresso eramus, in qua altitudine nos naufragium passi eramus: venit illuc ipse, et tempestas demersit illum: quia fluctus ibi passus est, ipsos homines; tempestates, voces dicentium: « Crucifige, crucifige. » Dicente Pilato: « Non invenio causam ullam in hoc homine quare occidendum sit: » invalescebant voces dicentium: « Crucifige, crucifige<sup>3</sup>. » Augebatur tempestas, donec demergetur qui venerat in altitudinem maris. Et passus est Dominus inter manus Judæorum, quod non est passus cum super aquas ambularet<sup>4</sup>: quod non solum ipse passus non erat, sed nec Petrum pati permiserat. « Veni in altitudinem maris, et tempestas demersit me. »

VII. « Laboravi clamans, raucae factæ sunt fauces meæ<sup>5</sup>. » Hoc ubi? hoc quando? Interrogemus Evangelium. Passionem quippe Domini nostri in hoc Psalmo cognoscimus. Et quidem passum eum novimus; intrasse aquas usque ad animam ejus, quia populi prævaluerunt usque ad mortem ejus, legimus, credimus; tempestate illum demersum esse, quia prævaluit sedatio ad eum occidendum, agnoscamus: verum et laborasse eum clamando, et raucas factas esse fauces illius, non solum non legimus, sed etiam contra legimus, quia non respondebat eis verbum, ut impleretur quod in alio Psalmo dictum est: « Factus sum quasi homo non audiens, et non habens in ore suo redargutiones<sup>6</sup>. » Et quod in Isaïa prophetatum est, « Sicut ovis ad immolandum ductus est, et sicut agnus coram tondente se, sic non aperuit os suum<sup>7</sup>. » Si

<sup>1</sup> Psal. LXVIII, 3. — <sup>2</sup> Matth. xii, 40. — <sup>3</sup> Joan. xix, 6. — <sup>4</sup> Matth. xiv, 25. — <sup>5</sup> Psal. LXVIII, 4. — <sup>6</sup> Id. xxxvii, 15. — <sup>7</sup> Isaï. lxx, 7.

» factus est sicut homo non audiens, et non habens in ore  
» suo redargutiones, » quomodo laboravit clamans, et raucae  
factae sunt fauces ejus? An ideo jam tunc tacebat, quia rauca  
erat qui sine causa tantum clamaverat? Et illam quidem  
ejus vocem de Psalmo quodam in cruce novimus: « Deus,  
» Deus meus, utquid me dereliquisti<sup>1</sup>? » Sed quanta  
illa vox fuit, aut quam diuturna, ut in ea raucae factae  
essent fauces ejus? Diu clamavit: « Væ vobis Scribæ et  
» Pharisei<sup>2</sup>: » diu clamavit, « Væ mundo ab scanda  
» lis<sup>3</sup>. » Et revera quomodo rauca clamabat, et ideo  
non intelligebatur, quando dicebant Judæi: « Quid est  
» quod dicit? Durus est hic sermo, quis potest illum au  
» dire? Non scimus quid dicat<sup>4</sup>. » Ille omnia verba dice  
bat: sed illis raucae fuerunt fauces ejus, qui voces ejus  
non intelligebant, « Laboravi clamans, raucae factae sunt  
» fauces meæ. »

VIII. « Defecerunt oculi mei ab sperando in Deum  
» meum<sup>5</sup>. » Absit ut hoc de persona capitis accipiatur:  
absit ut defecerint oculi ejus ab sperando in Deum ejus,  
in quo magis Deus erat mundum reconcilians sibi<sup>6</sup>, et  
qui Verbum caro factum est, et habitavit in nobis<sup>7</sup>, ut  
non solum Deus in illo esset, sed etiam ipse Deus esset.  
Non ergo ita, non ipsius capitatis nostri oculi defecerunt ab  
sperando in Deum ejus: sed defecerunt oculi ejus in cor  
pore ejus, id est, in membris ejus. Hæc vox membrorum  
est, hæc vox corporis est, non capitatis. Quomodo ergo eam  
in ejus corpore membrisque invenimus? Quid aliud di  
cam? quid aliud commemorem? Quando passus est, quando  
mortuus est, omnes Discipuli desperaverunt quod ipse  
esset Christus. A latrone Apostoli victi sunt, qui tunc

<sup>1</sup> Psal. xxi, 2. — <sup>2</sup> Matth. xxiii, 13, 14. — <sup>3</sup> Id. xvii, 7. — <sup>4</sup> Joan.  
vi, 61, et xvi, 18. — <sup>5</sup> Psal. lxviii, 4. — <sup>6</sup> 2 Cor. v, 19. — <sup>7</sup> Joan. 1, 14.

credidit, quando illi defecerunt<sup>1</sup>. Vide membra ejus des  
perantia: attende duos illos quos post resurrectionem in  
venit in via colloquentes secum, quorum unus erat Cleo  
phas, quando detinebantur oculi eorum ne eum agnoscerent.  
Quomodo enim oculis agnoscerent, - a quo mente tituba  
rant? Factum erat aliquid in oculis eorum simile mentis  
ipsorum. Loquebantur enim inter se, et cum ab eo com  
pellarentur unde loquerentur, responderunt: « Tu solus  
» peregrinaris in Jerusalem? Nescis quæ facta sunt, quo  
modo Jesus Nazarenus potens in factis et dictis, occisus est  
» a senioribus et principibus sacerdotum? Et nos speraba  
» mus quod ipse erat redempturus Israël<sup>2</sup>. » Speraverant,  
et non sperabant. Defecerunt oculi eorum ab sperando  
in Deum ipsum. Ipsos ergo in se transfiguravit dicendo,  
« Defecerunt oculi mei ab sperando in Deum meum. »  
Hanc spem reddidit, quando cicatrices palpandas obtulit:  
quas cum tetigisset Thomas, rediit ad spem quam per  
diderat, et exclamavit: « Dominus meus et Deus meus. »  
Defecerunt oculi tui ab sperando in Deum tuum: palpasti  
cicatrices, et invenisti Deum tuum: palpasti formam  
servi, et cognovisti Dominum tuum. Cui tamen ipse Do  
minus ait: « Quia vidisti, credidisti. Et nos prænuntians  
voce misericordiae suæ: « Beati, inquit, qui non vident  
» et credunt<sup>3</sup>. Defecerunt oculi mei ab sperando in Deum  
» meum. »

IX. « Multiplicati sunt super capillos capitatis mei, qui  
» oderunt me gratis<sup>4</sup>. » Quam multiplicati? Ut adderent  
sibi unum ex duodecim<sup>5</sup>. « Multiplicati sunt super capillos  
» capitatis mei qui oderunt me gratis. » Capillis capitatis sui  
comparavit inimicos suos. Merito rasi sunt, quando in loco  
Calvariae crucifixus est<sup>6</sup>. Accipient membra vocem hanc,

<sup>1</sup> Luc. xxiii, 42. — <sup>2</sup> Id. xxiv, 13-21. — <sup>3</sup> Joan. x, 28, 29. — <sup>4</sup> Psal.  
lxviii, 5. — <sup>5</sup> Matth. xxvi, 14. — <sup>6</sup> Id. xxvi, 33.

discant odio haberi gratis. Jam enim si necesse est, Christiane, ut mundus oderit te, quare non facis ut gratis te oderit, ut in corpore Domini tui, et in hoc Psalmo de illo præmisso agnoscas vocem tuam? Quomodo fiet ut oderit te mundus gratis? Si nihil cuiquam noceas, et sic odio habearis: hoc est enim gratis, sine causa. Parum sit tibi sine causa odio haberi, insuper et præsta, ut retribuant tibi mala pro bonis. « Confortati sunt inimici mei, qui » persequuntur me injuste. » Quod dixit, « Multiplicati » sunt super capillos capitum mei; » hoc postea, « Con- » fortati sunt inimici mei: » et quod primo, « Qui ode- » runt me gratis; » hoc postea, « Qui persequuntur me » injuste. » Quod ergo « gratis, » hoc est « injuste. » Ipsa est vox Martyrum, non in poena, sed in causa. Non persecutionem pati, non teneri, non flagellari, non includi, non proscribi, non occidi laus est: sed habendo causam bonam, ista pati, hæc laus est. Laus enim est in causæ bonitate, non in poenæ acerbitate. Nam quantacumque fuerint supplicia Martyrum, numquid æquantur suppli- ciis omnium latronum, omnium sacrilegorum, omnium sceleratorum? Quid enim et hos odit mundus? Odit plane. Excedunt enim mundi medietatem amplitudine malitia, et ab ipsa mundanorum quodam modo hominum societate alieni sunt, infestantes pacem etiam terrenam; et patiuntur multa mala, sed non gratis. Denique vide vocem illius latronis cum Domino in cruce pendentis, cum iusultaret ex alia parte unus duorum latronum Domino crucifixo, et diceret: « Si Filius Dei es, libera te: » compescuit illum alter, et dixit, « Tu non times Deum, vel » quia in eadem damnatione positus es? Et nos quidem » recte pro factis nostris<sup>1</sup>. » Ecce non gratis: sed confessione effudit ex se saniem, et factus est aptus cibo

<sup>1</sup> Luc. xxiii, 39-41.

Domini. Exclusit iniquitatem suam, accusavit eam, et caruit ea. Ecce ibi duo latrones, ibi et Dominus; et illi crucifixi, et ille crucifixus: et illos odio habuit mundus, sed non gratis; et illum odio habuit, sed gratis. « Quæ non rapui tunc » exolvebam. » Hoc est gratis. Non rapui, et exolvebam: non peccavi, et poenas dabam. Solus enim ipse talis, ipse vere nihil rapuit. Non solum nihil rapuit, sed etiam quod non de rapina habebat, hoc se evacuavit, ut ad nos veniret. « Non enim rapinam arbitratus est esse æqualis Deo: » et tamen semetipsum exinanivit, formam servi acci- » piens<sup>2</sup>. » Omnino non rapuit. Sed quis rapuit? Adam. Quis rapuit primo? Ille ipse qui seduxit Adam<sup>3</sup>. Quomodo rapuit diabolus? « Ponam sedem meam ad Aquilonem, » et ero similis Altissimo<sup>4</sup>. » Usurpavit sibi quod non accepérat: ecce rapinam. Usurpavit sibi diabolus quod non accepérat: perdidit quod accepérat; et de ipso calice superbiæ suæ, ei quem decipere volebat propinavit: « Gus- » tate, inquit, et eritis sicut dii<sup>5</sup>. » Rapere voluerunt Divinitatem, perdiderunt felicitatem. Ille ergo rapuit, et ideo exolvit. « Ego autem, inquit, quæ non rapui, tunc » exolvebam. » Ipse Dominus propinquans passioni; in Evangelio sic loquitur: « Ecce venit princeps hujus mundi, » id est, diabolus, et in me nihil inveniet; » id est, quare me occidat non inveniet: « Sed ut sciant omnes, quia vo- » luntatem Patris mei facio, surgite eamus<sup>5</sup>. » Et it ad passionem solvere quod non rapuit. Quid est enim, « In me » nihil inveniet? Nullam culpam. An aliiquid perdidit de domo sua diabolus? Iste discutiat raptore, nihil apud me inveniet. Tamen nihil rapuisse se dicit, peccatum attendens, nihil usurpasse quod ejus non esset; hoc est enim rapinæ, hoc iniquitatis: nam ab ipso diabolo ex-

<sup>1</sup> Philip. ii, 6, 7. — <sup>2</sup> Gen. iii, 1. — <sup>3</sup> Isaï. xiv, 13. — <sup>4</sup> Gen. iii, 5. — <sup>5</sup> Joan. xiv, 30.